

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-23985/22
Sarajevo, 30.11.2022. godine

OPĆINA NOVI GRAD SARAJEVO

OPĆINSKI NAČELNIK

PREDMET: Vijećnička pitanja i inicijative, dostavlja se

Na 19. radnoj sjednici Općinskog vijeća općinski vijećnici postavili su nekoliko vijećničkih pitanja odnosno pokrenuli su vijećničke inicijative sljedećeg sadržaja:

a) Vijećničke inicijative

-vijećnica Maja Muftić Dedović-

1. Pokrećem inicijativu da se u program rekonstrukcije i sanacije ulica za 2023. godinu uvrsti asfaltiranje kraka ulice Humačka ploča od broja 20 do broja 32.
 2. Pokrećem inicijativu da se sanira i proširi dječije igralište u ulici Franje Kluza. Također potrebna je zamjena dotrajalog i nesigurnog mobilijara na postojećem igralištu.
 3. Pokrećem inicijativu da se pomogne OŠ Avdo Smajlović sa uređenjem dvorišta, tačnije zamjena dotrajalih klupa, kao i nabavka novih, te saniranje propalog asfalta.
 4. Pokrećem inicijativu da se izvrši izgradnja potpornog zida u ulici Humačka ploča kod broja 72.
 5. Pokrećem inicijativu da se izvrši izgradnja potpornog zida u ulici Nusreta Brkića kod broja 47.
 6. Pokrećem inicijativu da što hitnije riješi problem prevoza MZ Dobroševići. Mali broj autobusa i minibusa, te loša pokrivenost autobuskih linija dodatno je pogoršana u zadnjih 6 mjeseci. Djeca iz mjesnih zajednica Reljevo i Dobroševići ne mogu ići u školu jer nemaju prevoz. Nadalje, iniciram da se od relevantnim ministarstvima ishoduju potrebna odobrenja, te da se općina Novi Grad Sarajevo uključi i pristupi rješavanju problema na isti način kako je i učinjeno za školarce MZ Naselje heroja Sokolje.
 7. Pokrećem inicijativu da se u program rekonstrukcija i sanacija ulica uvrsti ulica Muvedina Ramovića. Za sanaciju pomenute ulice su prikupljeni potpisi građana i predati nadležnima. Cesta se nalazi u lošem stanju, padinski dijelovi su zimi klizavi i cijevi pucaju, te se voda izljeva na cestu što otežava saobraćaj.
 8. Pokrećem inicijativu da se izgradi stepenište sa rukohvatima iz ulice Senada Čolića u ulicu Ibrahima Perviza.
- OBRAZLOŽENJE: Izgradnjom stepeništa sa rukohvatima iz ulice Senada Čolića u ulicu Ibrahima Perviza po regulacionom lanu u dužini cca 50 m bi se olakšao i skratio put

stanovnicima ulice Ibrahima Perviza do glavne saobraćajnice, javnog prevoza. Također izgradnjom stepeništa bi se izbjegle povrede građana koji trenutno koriste stepenište sa slike ispod.

9. Pokrećem inicijativu da se postave umjetne izbočine u ulici Numan paše Ćuprilića na tri lokacije.

-vijećnik Dino Okerić-

1. Inicijativa da se postavi ležeći policajac i bolja signalizacija na cesti u C fazi kod Bosanska 5 i 6. Već postoji pješački prelaz koji je slabo vidljiv i zbog parkiranih vozila dovodi svakodnevno u opasnost građane i djecu. Vozači voze brzo i neoprezno a velika je nepreglednost.

2. Inicijativa da se postavi ležeći policajac i bolja signalizacija na cesti u C fazi kod Bosanska 5 i 6. Već postoji pješački prelaz koji je slabo vidljiv i zbog parkiranih vozila dovodi svakodnevno u opasnost građane i djecu. Vozači voze brzo i neoprezno a velika je nepreglednost.

-vijećnik Mirza Selimbegović-

1. Postavljanje „usporivača saobraćaja“ u ulicama (Na sredini ulice Akifa Šeremeta), Hajrudina Šabanije od 90-110 (od rijeke Dobrinje-Zaklopače);
-H.Šabanije od 45-74;-H.Šabanije kod br: 116 i 35;
-Hajrudina Šabanije kod broja 49 D.
-Aleja Bosne Srebrene kod br:169, 13, 1/A
-krak raskrsnice Senada Poturka Senčija do br:70/C i 82,
-Andreja Andrejevića prije broja:132

Objašnjenje: Akifa Šeremeta od broja 24 do broja 50 u blizini dječijeg igrališta. Zbog blizine dječijeg igrališta i velikog broja djece koja se u njemu svakodnevno igraju, potrebno je postaviti „ležeće policajce“, obzirom da je svakim danom sve više nesavjesnih vozača koji upravo tom jednosmjernom ulicom voze neprilagođenom brzinom.

2. Upućujem inicijativu za sanaciju kanala u Butilskoj ulici koji počinje od džamije ili od džamijske raskrsnice pa do gotovo ulaza u kasarnu otprilike 185 metara. Trenutno ugrožava djecu koja idu u mekteb kao i ostale stanovnike koji žive na tom području stvarajući neugodne mirise zbog toga sto su u njega uključene kanalizacije kao i otpadne vode, sto nekad može i da izbac i fekalije na put do kanala ugrožavajući tako okolne mještane.

3. U prethodnom mandatu Općinskog vijeća na moju inicijativu, Općinsko vijeće je jednoglasno usvojilo zaključak o usvajanju iste da se projekat Južne longitudinalne stavi u prioritet te da se poduzmu sve aktivnosti da se izvrši ekspropriacija zemljišta kako bi se nastavilo sa proširenjem iste od naselja Hrasno pa do naselja Mojmiljo. Smatram da je od značaja ovaj projekat jer na tom lokalitetu je velika frekvencija s obzirom da je tu i objekat od strateškog značaja za grad a riječ je o Aerodromu Sarajevo. Napominjem važnost naselja Dobrinja s obzirom da je to „grad u gradu“ i samim tim neophodnost stavljanja prioriteta na poduzimanje svih neophodnih radnji koje se odnose na južnu longitudinalnu.

-vijećnik Adi Škaljić-

1. Upućujem vijećničku inicijativu za urgenciju ka nadležnim kantonalnim tijelima za postavljanje kamera za kontrolu brzine kretanja motornih vozila u ilicama Milana Preloga (kod zgrade Bosmal) i Safeta Hadžića (iznad zgrade Bosmal).

OBRAZLOŽENJE

Nepostojanje usporivača brzine i kamera u uvim ulicama nesavjesni vozači svakodnevno zloupotrebljavaju. Kretanje neprilagođenom brzinom ugrožava stanovnike okolnih naselja, a najviše su ugrožena djeca koja ove ulice prelaze kako bi došli do Osnovne škole Osman Nakaš. Molim vas da

urgirate ka nadležnim kantonalnim tijelima kako bi se na ovim lokalitetima postavile kamere, koje će nesavjesne vozače prisiliti da brzinu kretanja vozila prilagode okolnostima.

2. Upućujem vijećničku inicijativu za postavljanje nove LED rasvjete na parkingu iza Doma zdravlja Saraj polje.

OBRAZLOŽENJE

Parking iza Doma zdravlja Saraj polje i prilaz sa zadnje strane su jako loše osvijetljeni. S obzirom da osoblje i korisnici usluga vrlo često koriste taj prilaz Domu zdravlja, neophodno je bolje osvijetliti ovu parking površinu.

3. Postavljam sljedeće vijećničko pitanje:

-Da li ste upoznati sa dinamikom pripremnih radova i terminom početka građevinskih radova na proširenju Južne longitudinalne?

OBRAZLOŽENJE

Izgradnja preostalog dijela Južne longitudinalne je od velikog značaja za stanovnike Općine Novi Grad Sarajevo. Najveće saobraćajne gužve u našem gradu se formiraju upravo na prostoru na kojem bi trebala biti proširena longitudinalna (potez Mojnilo – Aneks).

4. Upućujem vijećničku inicijativu za postavljanje rukohvata na stepeništu koje vodi na parking u ulici Olimpijska (iza brojeva 1 do 17).

OBRAZLOŽENJE

Pješачki prilazi parkingu mogući su samo preko stepeništa koje zimi nije sigurno za korištenje. Ovo stepenište ima petnaestak stepenica, vrlo je strmo, a zimi često poledi ili je prekriveno snijegom. Nekada je na istom bio postavljen rukohvat, na šta ukazuju ubodi u beton na vrhu i na dnu. Šaljem vam screenshot sa Google Maps radi lakše orijentacije.

-vijećnik Kenan Kolašinac-

Upućujem vijećničku inicijativu da se odobri privremeno zauzimanje neizgrađenog građevinskog zemljišta radi uređenja – humusiranja površine za trening i utakmice Škole fudbala Sparta na lokaciji u Halilovićima, na parcelama naznačenih u nastavku:

KO Novo Sarajevo IV. Parcele: 3781/2, 3784, 3785/2 i 3786.

Sve četiri čestice su vlasništvo Općine Novi Grad Sarajevo i nemaju nikakvih pravnih smetnji za raspolaganjem.

Privremeno zauzimanje neizgrađenog zemljišta se može definisati do roka privođenja krajnjoj namjeni navedenog zemljišta, uz obaveznu saglasnost Škole fudbala Sparta, da se u slučaju privođenja zemljišta krajnjoj namjeni odriče bilo kakve naknade za ulaganja koja do tada budu investirana u zemljište.

Obrazloženje

Evidentno je da imamo nedovoljan broj sportskih igrališta kako u Općini Novi Grad, tako i na prostoru cijelog Kantona Sarajevo, a posebno onih koji mogu zadovoljiti potrebe kvalitetnog razvoja mladih sportista.

Činjenica je da unatoč velikoj raprostranjenosti raznih tehnoloških „mamaca“ za mlade, naši mladi uzrasti još uvijek imaju želju i potrebu da se bave sportom, a znamo da je u Bosni i Hercegovini fudbal i dalje broj jedan kada je u pitanju interes za sport kod mladih.

Također, svjedoci smo da se unazad godinu dana imamo primjere gdje dolazi do gašenja i zatvaranja nekoliko sportskih organizacija, škola fudbala, a najviše iz razloga loše razvijenosti sportske infrastrukture, tj. situacije gdje su sportske organizacije primorane plaćati visoke zakupe za sportske terene, a paralelno tome se sport u našoj zemlji naplaćuje i na žalost postaje luksuz.

Ovom inicijativom ne traže se NIKAKVA investicijska ulaganja od strane Općine, niti pokrivanja troškova održavanja.

Ovom inicijativom traži se samo da se određena lokacija ustupi na PRIVREMENO korištenje, tj. do privođenja zemljišta krajnjoj namjeni.

Škola fudbala Sparta bi se obavezala da neće izvoditi nikakve građevinske zahvate na navedenoj lokaciji, osim minimalnog nivelisanja i prilagođavanja zemljišta potrebama trenažnog procesa, također, da isto uređuje i održava tokom cijelog vremena korištenja zemljišta.

Također, u cilju razvoja sporta Škola fudbala Sparta bi ostavila mogućnost da u određenim periodima godine, organizuje besplatne treninge za djecu sa područja Općine Novi Grad, na principu "otvorene škole", zatim, da će nastaviti razvijati vlastitu školu fudbala u kojoj trenutno trenazni process obavlja oko 400 igrača u uzrastu od 4 do 13 godina, i u toj oblasti su najmasovnija škola fudbala u Bosni i Hercegovini.

Bez obzira na činjenicu da po regulacionom planu na ovoj lokaciji nije predviđen sportski teren, ali realizacijom ove inicijative neće biti nikakvih građevinskih zahvata, te shodno tome jasno je da inicijativa ima višestruku korist za razvoj sporta i svih mladih koji žele da se bave fudbalom.

Osnovni podaci o Školi fudbala Sparta:

Sjedište: Adnana Žunića 54, Općina Novi Grad, 71000 Sarajevo.

Brij članova: 400

Broj trenera: 10 (od toga jedan zaposlen u punom radnom vremenu, sa plaćenim doprinosima).

ID broj: 4202732830002

Nekoliko dodatnih činjenica o Školi fudbala Sparta:

- Najmasovnija škola fudbala u Općini Novi Grad.
- Najmasovnija škola fudbala u uzrastu do 13 godina u Bosni i Hercegovini.
- Škola fudbala Sparta je jedina škola fudbala sa područja Općine Novi Grad koju je FK Sarajevo izabralo za svog partnera kada je u pitanju razvoj omladinskog fudbala.
- Škola fudbala Sparta je partner FK Vojvodina Novi Sad, jednog od najvećih klubova na Balkanu.
- Škola fudbala Sparta je nosioc licence "CHAMPIONS TROPHY" sa sjedištem u Beču, a radi se o najvećem svjetskom takmičenju za omladinski fudbal.

-vijećnik Adnan Gušo-

1. Podnosim inicijativu u ime MZ „Dobrinja D“ i kao vijećnik Općinskog vijeća da se ispred Mercatora na Dobrinji postavi stub-prepreka nasuprot škole Skender kulenović. Postoji prolaz od 3-4 metra koja koriste auta da uđu u pješačku zonu i ugrožavaju sigurnost učenika. Tražim hitno da se reaguje da ne bi bilo kasno kad se nešto dogodi. Služba zha investicije može postaviti i par žardinjera i blokirati prolaz.

2. Pokrećem inicijativu prema ZOI-u i Mimnistarstvu sporta i kulture Kantona Sarajevo da se učenicima osnovnih škola Općine Novi Grad Sarajevo obezbijedi sezonske ski karte (besplatne). Također, i prema svim ostalim općinama u Kantonu Sarajevo da obezbijede isto. Nadamo se da će svi prepoznati i podržati inicijativu jer svi govorimo nije čist zrak, djeca sjede kući kraj TV-a telefona itd.

-vijećnik Elvis Hodžić-

1. Da se krene u postupak modernizacije javne rasvjete (zamjena stare/postojeće rasvjete sa LED rasvjetom.

2. Na području Otoke „Meandar“ u parku izgradnja „street workout“ terena za rekreaciju.

3. Popločavanje trga u „B“ fazi Alipašinog polja.

4. Izgradnja pješačke staze i biciklističke staze prema brdu Žuč i na samom brdu Žuč. Sadnja drvoreda oko staze kao simbol otpora ratu 92-95. Čitav kompleks adekvatno osvijetliti.

5. Izgradnja „Street workout“ terena kod Doma oslobodilaca Žuč.

-vijećnica Enisa Spahić -

1. Inicijativu za Izradu strategije za suzbijanje siromaštva na lokalnom nivou.

Kao posljedica korona virusa, potom visoka inflacija, porast cijena osnovnih životnih namirnica kupovna moć naših građana znatno je niža. Mnoge porodice žive u zoni siromaštva, većina radnika, skoro svi penzioneri, nezaposleni, primaoci socijalne pomoći itd.

Svakodnevno svjedočimo pojavi ekspanirajućeg siromaštva.

Zbog toga je vrlo važan cjelovit programski pristup, izrada strategija u borbi protiv siromaštva uz uključivanje civilnih i nevladinih organizacija.

Siromaštvo je stanje kada nedostaju osnovne mogućnosti za dostojanstven život i nije samo ono što vidimo na prvi pogled, ono ima dublje i često nevidljive posljedice.

2. Inicijativu da se stara rasvjetna tijela na stubovima ulične rasvjete duž čitave ulice Branislava Nušića zamijene novim LED sijalicama. U pomenutoj ulici nalazi se osnovna škola "Aleksa Šantić" sa najvećim brojem učenika. Postojeće sijalice nisu u mogućnosti dovoljno osvijetliti ulicu, neke od njih ne rade ili se često kvare stvarajući zone potpunog mraka zbog čega je sigurnost pješaka, a posebno đaka ugrožena.

-vijećnik Toni Vukadin i Silvije Kristić –

Zbog nezadovoljstva odgovorom u materijalu za 18. sjednicu Općinskog vijeća, ponovo se postavlja vijećničko pitanje:

Molim Službe i direktora JP Lokom da mi odgovore na slijedeća pitanja u vezi sa strelištem Žuč?

- Na koji način je predviđeno upravljanje strelištem?
- Na koji je način I objavljen konkurs za zakup termina na strelištu?
- Koji su uslovi bili za prijavu na poziv?
- Ovlaštena institucija koja je certificirala instruktore klubova koji su potpisali ugovore za korištenje strelišta?
- Cijene zakupa za klubove sa kojima je ugovor potpisan na mjesečnom nivou?

-vijećnik Mirza Memišević -

1. Iniciram da Skupština Kantona Sarajevo donese novu odluku o legalizaciji objekata na području Kantona shodno zakonskim mogućnostima.

2. Iniciram da se kroz zakonsku proceduru omogući legalna izgradnja objekata u rubnim područjima Općine Novi Grad ali i cjelokupnog Grada Sarajeva.

3. Iniciram da nadležne službe Općine Novi Grad Sarajevo pripreme prijedlog odluke o načinu korištenja romobila kojom bi se regulisalo zauzimanje javnih površina ovim vozilima u vremenu kada

su ona u mirovanju tj. kada su parkirana po ulicama, trotoarima i parkinzima kao i drugi aspekti iz nadležnosti Općine.

4. Iniciram obnovu tolata u starom dijelu osnovne škole “Umihana Čuvidina” koji u vrlo lošem stanju, bez generalne sanacije i renoviranja instalacija, keramike i stolarije od izgradnje škole 1970. godine. Kako je Općina uložila u prethodnom periodu značajna sredstva za uređenje hola I ulaza škole sa kompletnim renoviranjem fiskulturne sale sa pratećim prostorijama, ostalo je neuređeno stepenište sa ogradom koja povezuje prizemlje škole sa prvim spratom, urađeno vrlo klizavom podlogom teraco, koja se više nigdje u građevinarstvu ne primjenjuje, neophodno bi bilo zbog sigurnosti kretanja učenika i osoblja isto adaptirati keramičkim protukliznim pločicama i alu ili inox ogradom dužine 5 do 6 m. Time bi se pored sigurnosti kretanja učenika, postigao i ljepši estetski izgled, odnosno ugodniji ambijent za učenike, nastavnike i roditelje djece koja pohađaju ovu školu.

5. Iniciram da se u pripremi Prijedloga Budžeta napraviti tabelarni pregled planiranih budžetskih sredstava po mjesnim zajednicama.

6. Iniciram da se obnovi “Park prijateljstva” u naselju Dobrinja i prateće staze za šetanje i trčanje.

7. Iniciram da se u Mihaljevskoj ulici u blizini brojeva 26,28 i 30 postavi rasvjetno tijelo ulične rasvjete.

8. Zašto nije došlo do realizacije projekta sigurnosti djece na putu do škole? Kada se planira početak realizacije na terenu? Pitanje se odnosi na budžetsku stavku: Rekonstrukcija prilaza osnovnih škola na području Općine (trotoari, rasvjeta, proširenje saobraćajnica, horizontalna i vertikalna signalizacija).

9. Da li je tačno da KJKP “Rad” posjeduju samo jedan kamion za odvoz kabastog otpada koji je često u kvaru? Imate li u planu nabavku novog vozila za odvoz kabastog otpada?

10. Da li je tačno da KJKP RAD nedostaje radnika na terenu za ručno čišćenje javnih površina u Novom Gradu i ako jeste kada će taj problem biti riješen?

11. Da li je tačno da mašina za pranje i dezinfekciju kontejnera u kvaru duže od 2 godine? Kada će biti popravljena/kupljena nova?

12. Da li je tačno da KJKP “Rad”, odnosno Kanton Sarajevo kao njihov osnivač i vlasnik nemaju sredstava za zamjenu dotrajalih kontejnera?

13. Da li je neka od službi Općine Novi Grad Sarajevo dobila podatke o broju registrovanih vozila na području Općine Novi Grad? Ako ih posjeduje molim vas da, mi se isti dostave.

14. S obzirom da se ignorisanjem postavljenih pitanja zašlo u grubo kršenje Poslovnika o radu Općinskog vijeća Novi Grad Sarajevo Član 97. Stav 7 još jedanput ponavljam pitanja i insistiram na odgovorima Predsjedavajućeg Općinskog vijeća Mirze Selimbegovića koji se prema navedenom članu stara da vijećnici dobiju odgovore: Da li je na obilježavanje godišnjice stradanja u Kalinoviku otišlo rukovodstvo ili dio rukovodstva Općinskog vijeća ili neki drugi vijećnici? Na koji način je napravljen odabir vijećnika koji su išli na obilježavanje? Da li vijećnici koji su išli na obilježavanje službenim vozilom isti dan bili i selu Umoljani, koje i nije tako usputno mjesto na relaciji Kalinovik - Sarajevo i obrnuto. Kojim povodom su, ako su bili, posjetili Umoljane?

-vijećnik Adis Šahmanija –

1. Podnosim inicijativu da se postavi bolje osvjetljenje (led rasvjeta), oko MZ Naselje heroja Sokolje, spomen obilježja i ambulante. Naime u proteklom periodu počela su česta okupljanja sumnjivih osoba

u noćnim satima. Sa ambulante su ukradene tri vanjske jedinice od klime. Sa MZ oglasna ploča i natpis mjesne zajednice, kao i rešetka.

2. Podnosim inicijativu da se po hitnom postupku zamjeni sferno ogledalo na spoju ulica Samira Radovca i Zaima Imamovića. Zbog slabe preglednosti, na pomenutoj raskrsnici potrebno hitno izvršiti zamjenu polomljenog ogledala, zbog sigurnosti prvenstveno pješaka.

-vijećnik Adis Pljevljak-

1. Podnosim inicijativu da se na raskrsnici ulica Kenana Demirovića i prnjavorska, provjeri parcela kuće "Residence" (bivsi vodomaterijal Ekonomic), koja je uzurpirala općinsko zemljište, tako sto je na istom izgradila dodatni objekat uz kucu i zid.

2. Tražim od inspekcije očitovanje po pitanju prijave za istu adresu, sta je uradjeno i da li je vlasnik kuće kažnjen za ispuštanje fekalnih voda koje su se izljevale u ul K. Demirovića.

3. Podnosim inicijativu da se na Aneksu rasrci i ocisti površina s ibje strane mosta, oko srusenog poslovnog objekta, bivse Kosute, koja se nalazi tik uz Amko comerc.

-vijećnica Aida Ožegović-

1. Inicijativa Općinskom vijeću Novi Grad za nabavku strucne literature za nastavnike u osnovnim i srednjim skolama na podrucju NG

U Kantonu Sarajevo je ove školske godine otpočela kurikularna reforma u 1. i 5. razredu osnovne škole, te 1. razredu srednjih škola. Reforma podrazumijeva potpunu promjenu učenja i poučavanja, te vrednovanja učeničkih postignuća. Otežavajuća okolnost za nastavnike/implementatore je, između ostalog, i nedostatak adekvatne stručne literature koja bi im omogućila uspješniji rad, a samim tim i bolje rezultate naših učenika. Tim profesorica bosanskog jezika i književnosti pripremio je dvije značajne publikacije koje pružaju konkretnu pomoć svim nastavnicima koji realiziraju nastavu maternjeg jezika u petom razredu. Riječ je o publikacijama „Ishodi učenja u planiranju nastavnog procesa za peti razred osnovne škole - Bosanski jezik i književnost, Hrvatski jezik i književnost, Srpski jezik i književnost“ autorica: Mirele Omerović, Dalile Potogije, Ajle Džih i Edine Konak i „Ishodi učenja u planiranju nastavnog procesa za prvi razred srednjih škola - Bosanski jezik i književnost, Hrvatski jezik i književnost, Srpski jezik i književnost“ autorica: Mirele Omerović, Dalile Potogije, Leile Hamzagić Kovačević, Aide Bešlagić-Jašarević, Edine Filipović, Merhunise Čerkez i Emine Dautbašić. Objе publikacije sadrže jasne i konkretne upute za primjenu definiranih ishoda učenja kroz razrađene godišnje i mjesečne planove rada. Tu su i nastavne pripreme kreirane na temelju ishodišno orijentirane nastave, te pojašnjenja i ilustrativni primjeri pojedinih ishoda učenja i njihove konkretizacije u skladu s propisanim ključnim sadržajima koji se izučavaju u nastavi maternjeg jezika. Osim toga, priručnici nude i primjerene strategije u učenju i poučavanju na temelju konkretnih nastavnih jedinica, te primjere vrednovanja pojedinih segmenata u procesu učenja.

Publikacije su korisne jer svojim primjerima nude modele na osnovu kojih nastavnici mogu kreirati vlastiti materijal, a sve u cilju što boljeg obrazovanja za naše učenike. Ovo su prvi priručnici takvog karaktera koji su koncipirani prema potrebama primjene u učionicama i nude ilustrativna rješenja, te je veoma važno da ih nastavnici mogu svakodnevno koristiti. Zbog važnosti svega ovoga, bilo bi dobro da ih ima svaka školska biblioteka. Treba imati na umu da u svakoj školi ima dosta nastavnika koji su ove godine implementatori kurikuluma, a iduće godine će ih biti i više.

Za osnovne škole u NG po 8 primjeraka i za srednje škole u NG po 4 primjerka za svaku školu.

2. Pokrećem inicijativu za nabavku lektira za učenike OŠ "Aleksa Šantić"

Zastario bibliotečki fond obavezne školske lektire stvara problem učenicima, nastavnicima i njihovim roditeljima. Pokrećem inicijativu za nabavku dvije obavezne lektire "Medin rođendan" i "Ježeva kućica" po 25 komada.

Zahvaljujem na razumijevanju.

3. Pokrećem inicijativu za postavljanje 3D pješačkog prelaza iz ulice Kunovska u ulicu Trg Zlatnih ljiljana

Obrazloženje:

Pokretala sam inicijativu za postavljanje kamere za mjerenje brzine, zatim pješačkog ostrva i na obje inicijative je negativno odgovoreno. Na ovom prelazu koji presjeca 4 kolovozne trake svakodnevno prelazi veliki broj sugrađana koji žive u Dobrinji 1 kao i djece koja moraju preći ovu saobraćajnicu da bi došli do škole. Ceste su saobraćajne nesreće sa povrijeđenim licima te je neophodno da se na neki način zaštite pješaci a postoje su prethodne dvije inicijative odbijene molim vas da se postavi 3 D prelaz za pješake na navedenom mjestu

-vijećnik Toni Vukadin-

1. Molim da mi se dostavi informacija u kojoj fazi je pristupanje Općine i J. P. Lokom registru zaposlenih u KS?

Napominjem da je prije više od 6 mjeseci općinsko vijeće isto usvojilo a predstavnici organa uprave prihvatili da se isto realizira u najkraćem roku.

2. Molim da mi se dostavi informacija o svim ugovorima o djelu iz 2022. godine te dostavi informacija na koji način su angazovani povjerenici CZ u MZ i koja je visina naknada za isto?

SEKRETAR
OPĆINSKOG VIJEĆA

Elvir Kosovac, dipl. pravnik

DOSTAVITI:

1. Naslovu
2. Predsjedavajući Općinskog vijeća
3. a/a